



REPUBLIKA E SHQIPËRISË
KËSHILLI I LARTË I PROKURORISË

VENDIM

Nr. 6, datë 10.01.2025

PËR

“MIRATIMIN E VEPRIMTARISË JASHTË FUNKSIONI PËR
PROKURORIN, ZOTI ELION MUSTAFAJ”

Këshilli i Lartë i Prokurorisë (*më tej, Këshilli*), me pjesëmarrjen e:

1. Zonjës Mirela BOGDANI	Kryetar
2. Zotit Sokol STOJANI	Anëtar
3. Zotit Zeqir HODA	Anëtar (në mungesë)
4. Zonjës Arta MANDRO	Anëtar
5. Zonjës Ledina RIZA	Anëtar
6. Zotit Moisi DUDA	Anëtar
7. Zotit Vatë STAKA	Anëtar
8. Zotit Olger EMINAJ	Anëtar
9. Zotit Erind GËRMENJI	Anëtar (në mungesë)
10. Zotit Erind MERKURI	Anëtar
11. Zotit Erion FEJZULLA	Anëtar

në mbledhjen e datës 10.01.2025, në përputhje me procedurën e përcaktuar në nenet 159-161, 164 e vijues të ligjit nr. 115/2016 “Për organet e qeverisjes së sistemit të drejtësisë” i ndryshuar dhe nenet 18 e vijues, të Rregullores “Për organizimin dhe funksionimin e brendshëm të Këshillit të Lartë të prokurorisë”, miratuar me vendimin nr. 407, datë 17.12.2021, shqyrtoi çështjen me objekt:

“Miratimin e veprimitarisë jashtë funksioni për prokurorin zoti Elion Mustafaj”

BAZA LIGJORE:

1. Nenet 149/a, germa “e” dhe 149/ç, të Kushtetutës të Republikës së Shqipërisë;
2. Neni 9 i ligjit Nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar;
3. Nenet 164, pika 8 dhe 189, pika 1, germa “a” të ligjit nr. 115/2016 “Për organet e qeverisjes së sistemit të drejtësisë” i ndryshuar;

4. Neni 8 i Rregullores “Për veprimtaritë jashtë funksionit të prokurorëve”.

KËSHILLI I LARTË I PROKURORISË:

Nga shqyrtimi i materialit shkresor të përbërë nga:

- i. Relacioni shoqërues Nr. 32, datë 08.01.2025, i Komisionit të Planifikimit Strategjik, i Administrimit dhe Buxhetit;
- ii. Projektvendimi i formatuar dhe arsyetuar;

si dhe referuar bazës ligjore të lartpërmendur, përfshirë diskutimet në mbledhje mbi çështjen,

V Ë R E N:

1. Këshilli është institucioni që garanton pavarësinë, disiplinën, statusin dhe karrierën e prokurorëve në Republikën e Shqipërisë. Brenda kompetencave ligjore dhe nënligjore, ai shqyrton, miraton ose refuzon kërkesat e prokurorëve për veprimtari jashtë funksioni.
2. Në datë 05.01.2025, me anë të postës elektronike është dërguar pranë Këshillit, kërkesa datë 05.01.2025, me lëndë “Kërkesë për miratimin e veprimtarisë jashtë funksionit me pagesë në fushën e trajnimeve në datë 16 dhe 17 janar 2025”, e prokurorit zoti Elion Mustafaj. Kërkuesi ushtron detyrën e drejtuesit në Prokurorinë pranë Gjykatës së Shkallës së Parë të Juridiksionit të Përgjithshëm Fier.
3. Referuar përmbajtjes së kërkesës si dhe dokumentacionit shoqërues, z. Mustafaj kërkon, lejimin për të ushtruar veprimtari jashtë funksionit si lektor në trajnimin me temë: **“Lufta kundër trafikimit të paligjshëm të pasurisë kulturore në Ballkanin Perëndimor”**. Trajnimi organizohet dhe mbështetet nga UNESCO.
4. Referuar kërkesës, trajnimi i mësipërm përfshin angazhimin në këtë veprimtari në datat 16 – 17 janar 2025. Shpërblimi për këtë veprimtari është 350 USD.
5. Z. Mustafaj, në kërkesën e tij argumenton se, përfshirja e tij në këtë veprimtari nuk cenon në thelb eficientësinë dhe aktivitetin në detyrë si dhe nuk e pengon në ushtrimin e detyrës. Nga ana tjetër, përgatitja për këtë veprimtari është e tillë që nuk është e nevojshme ulja e ngarkesës në punë.
6. Komisioni i Planifikimit Strategjik, i Administrimit dhe Buxhetit vlerëson se kërkesa e prokurorit zoti Elion Mustafaj, është e plotë dhe në përputhje me kërkesat ligjore.

Për sa më sipër, Këshilli i Lartë i Prokurorisë konstaton se:

7. Nga verifikimet e kryera rezulton se, prokurori zoti Elion Mustafaj nuk është subjekt i ndonjë procedimi disiplinor dhe nuk ka masa disiplinore në fuqi.



8. Ushtrimi i veprimtarisë jashtë funksionit në masën dhe kohën e kërkuar nuk ndikon negativisht në ushtrimin e detyrës së saj.
9. Veprimtaria jashtë funksionit në rastin konkret:
 - është në përputhje me dinjitetin e ushtrimit të funksionit;
 - nuk është e papajtueshme me ushtrimin e funksionit të magistratit dhe nuk ndalohe sipas ligjit;
 - nuk krijon perceptime të ndikimit ose njëanshmëri gjatë ushtrimit të funksionit;
 - nuk bie ndesh me interesat thelbësorë të funksionit, duke mos cenuar afatet dhe ushtrimin në mënyrë efikase të funksioneve.
10. Shpërblimi për veprimtarinë jashtë funksionit i parashikuar për angazhimin e kërkuesit nuk tejkalon rregullat e zakonshme të tregut dhe është në përputhje me legjislacionin në fuqi.

PËR KËTO ARSYE:

Mbështetur në nenet 149/a, germa “e”, 149/ç, të Kushtetutës të Republikës së Shqipërisë, nenin 9, të ligjit nr. 96/2016 “Për statusin e gjyqtarëve dhe prokurorëve në Republikën e Shqipërisë” i ndryshuar, nenin 164, pika 8, nenin 189, pika 1, germa “a”, të ligjit nr. 115/2016 “Për organet e qeverisjes së sistemit të drejtësisë” i ndryshuar, nenin 8, të Rregullores “Për veprimtaritë jashtë funksionit të prokurorëve”, Këshilli i Lartë i Prokurorisë,

V E N D O S I:

1. Miratimin e veprimtarisë jashtë funksionit për prokurorin Elion Mustafaj si Lektor në trajnimin me temë: “Lufta kundër trafikimit të paligjshëm të pasurisë kulturore në Ballkanin Perëndimor”, organizuar nga UNESCO.
2. Ky vendim i njoftohet prokurorit Elion Mustafaj, dhe Prokurorisë pranë Gjykatës së Shkallës së Parë të Juridiksionit të Përgjithshëm Fier.
3. Ky vendim hyn në fuqi menjëherë dhe publikohet në faqen zyrtare web të Këshillit.

U shpall në Tiranë, sot më 10.01.2025.

KRYETAR

Mirela Bogdani

